

## Pozivnica na radionicu prirodne gradnje “Eco Housing”

Centar za ekonomski i ruralni razvoj (CERD) vas sa zadovoljstvom poziva na jedinstvenu radionicu prirodne gradnje “*Eco Housing*” koju organizujemo u saradnji sa vrhunskim stručnjacima i praktičarima iz Slovačke, Poljske i Njemačke, a koja će se održati 10. i 11. aprila prema sljedećem rasporedu:

*Prvi dan – teorijska radionica: 10. 4. 2024.*

- Lokacija: Staklenac, Park Petar Kočić, Banja Luka
- Vrijeme: 17.30 – 20.30 sati

*Drugi dan – praktična radionica: 11. 4. 2024.*

- Lokacija: CERD, Domestica imanje, Krnete bb, Laktaši
- Vrijeme: 09.30 – 16.30 sati

Radionica *Eco Housing* će se fokusirati na korištenje prirodnih građevinskih materijala, uglavnom slame i gline, u ekološkoj izgradnji kuća i drugih objekata. Cilj radionice je unapređenje znanja i razvoj praktičnih vještina u prirodnoj gradnji sa naglaskom na korištenje lokalnih materijala. Na osnovu iskustava eminentnih stručnjaka iz oblasti prirodne izgradnje iz Slovačke, Poljske i Njemačke, kroz teoretska predavanja i praktičan rad, istražiće se specifični resursi i mogućnosti u Bosni i Hercegovini te prezentovati praktični primjeri *Eco Housing*-a iz zemalja Evrope koje su u ovoj oblasti ostvarile značajan napredak. Dvodnevna radionica će biti organizovana u Banjoj Luci i Laktašima prema niže navedenom programu u saradnji s Centrom za ekonomski i ruralni razvoj (CERD) lokalnim partnerom iz Bosne i Hercegovine.

Obavezna registracija i prijave putem email-a: [office@cerd.ba](mailto:office@cerd.ba).

### Dnevni red radionice

Srijeda, 10. april 2024	
Teorijska radionica – prvi dan	
17.30 - 18.00	<i>Okupljanje učesnika i registracija u Staklencu, Park Petar Kočić, Banja Luka</i>
18.00 - 18.20	<i>Prva sesija - Uvod u ekološko stanovanje i prirodnu gradnju</i>
18.20 - 18.50	<i>Moritz Reichert: Slama kao građevinski materijal</i>
18.50 - 19.00	<i>Pauza za kafu</i>
19.00 - 19.30	<i>Stano Prorok: Glina kao građevinski materijal</i>
19.30 - 20.00	<i>Marián Ontkóc: Eko gradnja i drugi aspekti (pravni, tehnički, finansijski, itd.)</i>
20.00 - 20.30	<i>Sesija pitanja i odgovora, sumiranje i zatvaranje prvog dana radionice</i>

## Četvrtak, 11. april 2024

### Praktična radionica – drugi dan

09.30 - 10.00	<i>Okupljanje i registracija učesnika na Domestica imanju u Krnetama, Laktaši</i>
10.00 - 12.30	<i>Praktična radionica – gradnja od slame</i>
12.30 - 13.30	<i>Pauza za ručak</i>
13.30 - 16.00	<i>Praktična radionica – gradnja glinom</i>
16.00 - 16.30	<i>Rezime i zatvaranje radionice</i>

### Upoznajte naše trenere i predavače:

- **Marián Ontkóc, ing. arh.**

Ja sam arhitekt koji radi sa prirodnim materijalima, posebno sa slamom. Vodim radionice i predavanja u Slovačkoj i EU. Specijalizirao sam se za kuće od slame i rekonstrukcije od prirodnih materijala. Član sam Living Future Europe - regenerativne arhitekture.

Sa međunarodnim kolegama izradili smo online platformu za učenje o prirodnim materijalima u izgradnji objekata kao alat za podučavanje teorijskog dijela radionica - <https://acteco.eu/straw-bale-building-courses/>.

Više informacija možete pronaći na:

[www.marianontkoc.sk](http://www.marianontkoc.sk)

[www.ozartur.sk](http://www.ozartur.sk)

- **Moritz Reichert**

*Govornik/ Inovator/ Preduzetnik*

Posjedujem široko i duboko znanje o prirodnoj gradnji na bazi drva i slame, stručnost u komercijalizaciji serijske proizvodnje građevinskih elemenata od slame.

Osnivač sam Lorenz GmbH. LORENZ predstavlja kompetentnost i inovativnost u sistemima sa slamom za izgradnju. Sa vlastitim razvojem strojeva i vrijednih patenta, LORENZ proizvodi montažne elemente izolovane slamom sa konstrukcijom drvenih stupova i greda i sa dosljedno visokom kvalitetom uz konkurentnu cijenu. Posebna pažnja u razvoju proizvoda posvećena je jednostavnoj, čistoj i brznoj montaži građevinskih elemenata od slame. LORENZ proizvodi izrađuju se po mjeri. Isporučuju se iz tvornice i mogu se direktno sastavljati na mjesta izgradnje.

Osnivač sam poljske građevinske firme “Dobry Dom” specijalizovane za obnovu povijesnih objekata i i prirodnu gradnju, Stankowice

Više informacija možete pronaći na:

<https://www.facebook.com/lorenzsysteme>

<https://lorenz-straw-building.com/>

- **Stano Prorok**

Ja sam preduzetnik – majstor za izgradnju sa glinom i posvećen sam korištenju gline u građevinarstvu za razne namjene kao što su glinene žbuke, glineni podovi, glinene opeke, šaržerni zidovi... Nastojim koristiti prvenstveno ekološke, lokalne i prirodne materijale.

Glinom se kao majstor bavim od 2013. godine.

Nudim svoje ekološko i ekonomsko razmišljanje u projektovanju i samopomoćnoj izgradnji objekata. Pružam usluge savjetovanja, projektovanja i izrade glinenih i vapnenih žbuka i štukanih obloga, glinenih konstrukcija (opeka, armirani zidovi, lagana glina...), obuku početnika i profesionalnih građevinskih radnika i majstora, kurseve i radionice direktno na vašem gradilištu. Bavim se razvojem, proizvodnjom i prodajom materijala za prirodnu gradnju, posebno gline.

Predavač sam kurseva “Glina kao građevinski materijal (ECVET)” u nevladinoj organizaciji Artur u Slovačkoj (održiva arhitektura).

Više informacija možete pronaći na:

[www.hlinar.sk](http://www.hlinar.sk)

<https://www.facebook.com/hlinar.sk/>

<https://www.facebook.com/pristavkysuce>

Radionica prirodne gradnje “Eco Housing” je dio projekta “Transformativni pristup u borbi protiv klimatskih promjena kroz ekološku izgradnju kuća (ECO HOUSING) u Bosni i Hercegovini i regiji Zapadnog Balkana” koji se provodi u Bosni i Hercegovini i u Višegrad zemljama (Poljska, Slovačka, Češka i Mađarska), a finansira se putem Višegrad grantova iz Međunarodnog Višegrad Fonda.

Ovim putem vas pozivamo da uzmete učešće i u narednim aktivnostima koje su planirane u okviru projekta *Eco Housing*:

- Izrada plana za izgradnju “*Tiny House*” od prirodnih materijala u Bosni i Hercegovini
- Praktične radionice na Domestica imanju za izgradnju *Tiny House* – septembar/oktobar 2024 i april 2025
- Studijska posjeta primjerima dobre prakse *Eco Housing*-a u Slovačkoj – maj/juni 2024
- Učešće u regionalnoj konferenciji o ekološkoj izgradnji Region Earth u Srbiji (Novi Sad/Mošorin) – juli 2024